

名派引

人有名亦有派古者人生三月而始命名如隱疾器幣皆不以之取此外如鄭穆爲蘭命於天成季爲友徵於手悉寓夫意以命其名而不令統於同至綜一脈之等夷次第若鷺之序若雁之行而倫紀無紊者則謂之派昔三孔中之經甫常甫毅甫五張中之知響知乞知晦知泰知默俱各有派以聯族姓吾楊氏續修族譜接撰派行以維系宗支嗣后人浮於派則望身親其事者再行另撰永見吾宗一脉同源共派庶不致昭穆混淆長幼失序也是爲引

杼公九十六世起

家本宗周裔 忠厚慶賢良

封錫先聲振 吉梅肇發祥

思聰公裔元珍公支下五修族譜派行自

杼公九十五世起

國清應召啓文明 道德光輝學業成

桂馥蘭馨勤經史 書香濟美振家聲